



UNIVERSITÄTS-
BIBLIOTHEK
PADERBORN

Universitätsbibliothek Paderborn

Pretiosae Occupationes Morientivm In Societate Iesv

Nádasi, János

Romae, 1657

Cap. XXVIII. Paranda in vita quæ prælegantur in morte.

urn:nbn:de:hbz:466:1-45415

C A P V T X X V I I I.

Paranda in vita, quæ tibi prælegantur, vel proponantur in morbo, & morte.

1 **P** *Julius Fatius*, post confess. generalem petijt à Confessario, vt *Mortorium*, seu libellum, quem de iuuandis morientibus conscripserat, identidem sibi lectitare ne grauaretur. Ita extremum Archiepiscopo viaticum ministrante indulgentiâ donatus, &c. tempus in lectione sui *Mortorij* audiendâ, & pijs cum Crucifixo, & de *Deo* colloquijs traduxit, illud inter suprema pulchro pietatis gustu ingeminans: *Inter brachia Domini mei (mei, mei, mei!) & uiuere uolo, & mori cupio.*

Annuz
1596.
Montis
regal.

2 In Mauriacensi Collegio die Sancti sui patrôni menstrui vixit *P. Robertus Cuiſſotus* magnarum omninò virtutum vir. Intra 12. dies, quibus ægrotauit, totius antea actæ vitæ memoriam dolenter repetiuit, viatico ter munitus per ea interualla. Et. cùm se præ languore commouere vix posset, subinde legi sibi voluit certos *Autorum* locos, quos in hunc usum ante profectiorem extremam sibi collegerat: inter quæ prima fuit mortis *B. Aloysij Gonzage* narratio. Iam ipse repetebat, iam sibi ab alijs repeti volebat illa *S. Pauli*: *Sine viuimus, Domino viuimus; siue morimur, Domino mori-*

Annuz
1610.
23. Dec.

morimur. Siue vivimus, siue morimur Domini sumus. Mihi vivere Christus est, & mori lucrum. Ad hæc in ore illi B. V. S. Ioseph, Robertus, Ignatius, Xaverius, Terefia.

14. Aug.
1640.
ætat. 20.
Soc. 61.

Quotidia-
na extre-
mæ vnctio-
nis imita-
tio.

Pro defun-
ctis, & pro
tuo felici
agone sæpè
ora.

Collige
nunc ea
quæ tunc
seruiant.

3 P. *Ascanius Marazzius* Nouellariæ vi-
tam annis grauem, plenam dierum sancto-
rum, sine religioso conclusit. Sanus *quotidie*
se ad mortem componebat. Vnde cum oleo sa-
cro vltimum vngeretur, dixit; complures
iam annos esse, ex quo ipse, mutatis mutan-
dis, illo se apparatu ad mortem quotidie
comparasset. Quoties æris campani signum
pro mortuis in vrbe pulsabatur, toties ille
pro quiete mortui, & pro suæ mortis feli-
citate enixè precabatur. Pretiosa in conspe-
ctu Domini Sanctorum mors, & suprema San-
ctorum è mortalitate hac æternitati iam im-
minentium verba, præclara illi iam ægro oc-
cupatio fuere. Vnde illa legi sæpius, & re-
peti postulabat. Sed & ipse varia eam in-
rem sibi collegerat. Varios ad mortem quàm
sanctissimè obeundam se preparandi modos
iam vni, iam alteri inuisentium dabat; & le-
gentes audiebat attentus. Sub cervicali saccu-
lum habebat, in quo thesauros tales condi-
derat vltimæ necessitati opportunos. Inter
alia etiam habebat protestationes, & profes-
sionem fidei, suo sanguine subscriptam. quam
bis repetiuit in morbo, etiam cum extremam
vnctionem, & cereum benedictum acciperet.

Totus

Totus erat in illo apparatu, quo etiam se ad dolores calculi, & alios, acuebat, cum diceret: *Modicum hoc est, valdè modicum ad ea, quæ passi sunt tot Sancti.* Nostris qui aderant, dixit, veluti pro tessera testamenti, Latinè: *Vestrum est ad perfectionem tendere: Mementote vos habere Constitutiones Sanctas. Ambulate viam Patrum Societatis nostræ primorum.* Legi voluit & preces quas in illum temporis articulum destinàrat: quas inter illud sæpiùs: *Gloria tibi, Domine, qui natus es de Virgine!* Multùm se recreari aquà lustrali, Crucifixo item ad pectus & osculum, testabatur. Nec desunt qui ea quæ sibi dici legiùt tunc velent, adnotant singula particulatim; prouidenter, & sanctè prudentes.

4 P. Thomas Conierus Anglus, desiderabat mori cum scheda in manu quæ S. Praxedis Virg. nomen haberet. Obiit: 1639.

5 P. Albertus Fordingh Nouesij Patrem sibi animam a futuro ad futurum obtestatus est, manu super Euangelium posità illud sibi legeret: *Ecce nos reliquimus omnia: & secuti sumus te: quid ergò erit nobis?* Fecit rogata Pater: & Albertus semiexanimes oculos erigens, testatus est quantà spei suauitate perfunderetur. Ita in mortem elanguit. 1653. Martii 19.

6 P. Marcus Cloth Hildesij obiit. Collegit in libello ad id destinato, cum in tertia probatione versaretur, sibi quædam selecta. 12. Aprilis 1648.

pro morte. Is libellus illi panarium, armamentarium, et pretiosa pharetra erat ad actus virtutum in morbo, ac morte. Illum sibi ab amicis agrum visentibus lectitari volebat: illo, veluti optimo thesaurorum, ad finem vsq; vitæ vsus feliciter, nobiles pretiosæ suæ prouidentiaë fructus tulit.

C A P V T X X I X.

Pretiosa occupatio preparationibus ijs ad mortem uti, quas premisisti sanus.

I **B** *Franciscus Borgia*, qui à mortuæ Imperatricis cadauere viuere *Deo* serio didicit, ac postea quater et vicies se ad mortem quotidie comparabat, quasi hoc esset singularum horarum vectigal; à *B. V. Lauretana*, et *de populo* viaticum pro via mortis petijt in itinere vltimo. Duos qui illi viuenti adhuc supererant dies totos holocaustum esse *Deo* optauit; neq; aliquid sibi ex ijs decerpi à quoquam voluit. Quare Cardinales et Legatos, qui eum frequentes inuisebant, vt ab officijs illis tempore illo extremo abstinerent, rogauit. A *Greg. XIII.* missam sibi benedictionem, et plenam pro morte remissionem accepit. Ad hanc mortem se parans quotidie, etiam sanus, bis se quotidie pœnitentiæ Sacramento mundabat. Illud ad rem præ-

Dies omnes, vltimi maxime, sine holocaustum, *Deo*.